

ԱՏԵՆԱԳՐՈՒԹԻՒՆ
Ս. ԵՐՐՈՐԴ. ՀԱՅՑ. ԵԿԵՂԵՑԻՈՅ
ԲԱՑԱՌԻԿ ԾԽԱԿԱՆ ԺՈՂՈՎԻ

Ս. Երրորդ. Հայց. Եկեղեցւոյ Մասնաւոր ծխական ժողովը գումարուեցաւ Կիրակի 17 Փետր. Կ.Տ. ժամը 1:50-ին, Ս. Երրորդ. Հայց. Եկեղեցւոյ սրահին մէջ նախագահութեամբ Եկեղեցւոյ Հոգեւոր Հովիւ Հոգ. Վազգէն Ժ. Վրդ. Զէշիշեանի: Ժողովը բացուեցաւ նախագահ Հայր Սուրբի աղօթքով:

Համաձայն Թեմիս Կանոնադրութեան 18-րդ յօդուածին ծխական Խորհուրդիս Ատենապետը՝ Պարգեւ Խոճաճեան եւ Ատենադպիրը՝ Հրաչ Շիշմանեան վարեցին նիստի դիւանի պաշտօնները:

Համաձայն Թեմիս Կանոնադրութեան 17-րդ յօդուածին Ատենապետը ժողովս օրինաւոր, եւ բացուած յայտարարեց 106 տրատու անդամներու ներկայութեամբ:

- Պրն. Գրիգոր Էլմասեան հարց տուաւ թէ այս ժողովը մեր Կանոնադրութեան համաձայն օրինաւոր է:

Պրն. Գրիգոր Էլմասեանի ուշադրութեան յանձնուեցաւ Կանոնադրութեան 17-րդ յօդուածի Բ. մասը:

- Խօսք առաւ Տօքթ. Շաքէ Թոգմանեան որ ըստ Կանոնադրութեան Թիւ 14, 15 եւ 17 յօդուածներուն դիտել տուաւ որ ժողովը ապօրինի պէտք է նկատուի. ապա նախագահ Հայր Սուրբին յանձնեց իր Փետր. 4, 1980թ. նամակին պատմէնը որ նախապէս յղած էր Հայր Սուրբին՝ "Խորհրդապահական" մակագրութեամբ, իր Առաջնորդի Փոխանորդի հանգամանքով: Նախագահ Հայր Սուրբը հրապարակաւ կարդալէ ետք Տօքթ. Թոգմանեանի Անգլերէն նամակը, յայտարարեց թէ ինք Խորհրդակցած է Թեմիս Առաջնորդ Գերշ. Տ. Թորգոմ Արքեպս. Մանուկեանի հետ եւ Առաջնորդ Սրբազան Հայրը համակարծիք չէ Տօքթ. Թոգմանեանի նամակի պարունակութեան: Ապա Հայր Սուրբը Տօքթ. Թոգմանեանի ուշադրութեան յանձնեց Կանոնադրութեան Թիւ 5 եւ 7 յօդուածները. որմէ ետք Ատենապետն ալ տուաւ իր մեկնաբանութիւնը նոյն յօդուածներուն մասին: Տօքթ. Թոգմանեան տակաւին չբաւարարուեցաւ այդ պատասխաններով, ըսելով որ Թեմիս Կանոնադրութեան յօդուածները ամբողջական եւ լրացուցիչ չեն:

Ատենապետը, ժողովին կարդաց ծխական Խորհուրդիս ներկայացուցած առաջարկը Հայերէն եւ Անգլերէն լեզուներով, յիշեցնելով որ, տարակարծութեան պարագային, Անգլերէն բանաձեւը պէտք է ընդունիլ որպէս օրինական բնագիր:

Թօրօնթուի Ս. Երրորդ. Հայց. Եկեղեցւոյ Հողի Գնման Առաջարկը Ապագայ Եկեղեցւոյ Վաւը

Ծխական Խորհուրդը կը ներկայացնէ հետեւեալ առաջարկը 17 Փետր. 1980-ի Մասնաւոր ծխական ժողովին:

"Ծխական Խորհուրդս նկատի ունենալով տարիներու ընթացքին եկեղեցիս Հայ Բարեգործական Ընդհանուր Միութեան նոր կեդրոնատեղիին կից եւ մեր սփիական հողին վրայ ունենալու փափաքը:

տրատու անդամներու և մեծամասնութեան ինչպէս անցեալ 25 Փետ. 1979-ի Տարեկան ծխական ժողովի որոշումին,

- նաեւ նկատի ունենալով վերջին 20 տարիներու Թորոնթօ հայութեան բազմանալը եւ մեր այս սիրելի եկեղեցիին փոքր ծաւալը,
- նաեւ նկատի ունենալով ներկայ ժողովասրահներու եւ գրասենեակներու անբաւարարութիւնը,
- նաեւ նկատի ունենալով Թորոնթոյի բազմամշակութային նկարագրով դիմագիծը եւ Հայկական Օարտարապետութեամբ եկեղեցւոյ մը անհրաժեշտութիւնը պատիւ պիտի բերէ Թորոնթօ հայութեան,
- նաեւ նկատի ունենալով որ ծխական Խորհուրդս կենսական կը նկատէ Թորոնթոյի, Գանատահայութեան, ապագային համար օժտել գաղութս նոր եկեղեցիով մը եւ շէնքի այլ յարմարութիւններով,
- Ուրեմն ծխական Խորհուրդս բաջ համոզուած ըլլալով նման ծրագրի մը օգտակարութեան եւ կենսական անհրաժեշտութեան, այսու կու գայ, յանձնարարելու պատկառելի Մասնաւոր ծխական ժողովին կայացնել որոշում գնելու մօտ 1.0 արտավար -էՅԲԸԲ- հողաշերտ մը Սքարպօթօ քաղաքամասի Մարքամ եւ Բրօկրէս Զօրթ փողոցներու հիւսիս արեւելեան անկիւնը ուր կերտուի ապագայի Ս. Երրորդ. Հայց. Եկեղեցին որ այժմ կը գտնուի Թորոնթօ քաղաքամասի 14 Ուտլոն Ուէսթ փողոցի վրայ:

TORONTO HOLY TRINITY ARMENIAN CHURCH PROPOSED PURCHASE OF LAND
FOR A FUTURE CHURCH SITE

The Parish Council submits the following Proposal to the Special Parish Assembly of February 17, 1980:

- " Whereas over the last several years it has been the wish of the majority of our dues paying Parish Members to have our church relocated beside the proposed Armenian General Benevolent Union of Toronto Centre, and on its own separate parcel of land, a wish reinforced as conveyed also by the decision of the Annual Parish Assembly of February 25, 1979.
- And whereas during the last 20 years the Armenian Apostolic community of Toronto has grown tremendously with respect to the small capacity of our present cherished church.
- And whereas the present building exceedingly lacks space for committee rooms and offices - facilities essential for the proper operation of our multi-purpose movement.
- And whereas a new church building with an Armenian architecture would enhance the pride of the community in its cultural heritage in this multi-cultural city.

Disc. Council

- And whereas the Parish Council thus considers the idea of a new Church and Parish facilities essential for the future well being of the Canadian-Armenians of Toronto.
- Now therefore be it resolved that this special Parish Assembly agrees to and approves the purchase of approximately 1.0 acre of land in the Northeast corner of Markham Road and Progress Court in the Borough of Scarborough of Metropolitan Toronto for the erection of a new church and parish facilities for the Holy Trinity Armenian Church parish presently located on 14 Woodlawn Ave.W. in the City of Toronto.

Ատենապետը տուաւ նաեւ սպառիչ տեղեկութիւններ սրահին մէջ գետեղուած մեծադիր յատակագիծերու քարտէզներուն վրայ, ուր յստակօրէն նշուած էր մէկ արտավար - էյբըր-հողի սահմանները եւ հասցէն: Ան շեշտեց նաեւ թէ ծխական Խորհուրդս նախաձեռնող եղած է նման ծրագրի մը իրագործումին, անսալով անցեալ Տարեկան ծխական ժողովի Փետր.25,1979 մեծամասնութեան փափաքին, եւ նոյն ոգիով Հ.Բ.Ը.Մ. Անդամական Ընդհանուր ժողովներուն ընթացքին գոյացուած որոշումներուն, եւ ընդհանրապէս համայնքիս բոլոր տարրերու համագործակցութեան կոչին:

- Պրն. Գրիգոր Էլմասեան հարց տուաւ այն առաւելութիւններուն մասին որ պիտի ունենանք Հ.Բ.Ը.Մ. կից առանձին սեփական հողի վրայ ունենալով մեր նոր աղօթավայրը. եւ թէ ինչո՞ւ նման Մասնաւոր ժողով չէր գումարուած աւելի կանուխ Հ.Բ.Ը.Մ. վարչութեան 50 Հազար տուար փոխանցելէ առաջ:

Ատենապետը մասնաւորելէ ետք Հ.Բ.Ը.Մ. կից հողի մը վրայ մեր աղօթավայրը ունենալու առաւելութիւնները. ժողովին կարգաց Հ.Բ.Ը.Մ. վարչութեան ղրկուած Մարտ 11,1979 նամակը եւ Թեմական Խորհուրդին ուղղուած Մարտ 11,1979 նոյնիմաստ նամակը:

Հարց տրուեցաւ որ Թեմական Խորհուրդը իր Թորոնթօի մէջ Յուլիս 13,1979 գումարած, նիստին կամ գրաւոր հաւանութիւն տուած է, ծխական Խորհուրդի այս ծրագրին:

Ատենապետը եւ նախագահ Հայր Սուրբը բացատրեցին թէ Թեմական Խորհուրդէն այս մասին գրաւոր հաւանութիւն կամ հրահանգ ստացած չենք: Այս ժողովի որոշումները հաղորդելէ ետք կ'ակնկալենք պատասխան մը:

- Պրն.Արամ Թոզմանեան, առարկեց հողի աշխարհագրական դիրքի մասին. եւ բացատրութիւն վահանջեց ֆիզիկալի ՍԹԱՏիՅանձնախումբին ըսելով որ ներկայ Ս.Երրորդ.Եկեղեցին կը գտնուի փոխադրական միջոցներու ցանցի կեդրոնը:

Նախկին ֆիզիոլոգի ՍԹՍՏԻԻ Յանձնախումբի Ատենապետ՝ Թազուր Յորեան պատասխանելով ըսաւ որ անցեալ տարուամ ծխական ժողովի եւ Հ.Բ.Ը.Մ. Ընդհանուր ժողովին մէջ անդամներու փափաքին համաձայն այս քայլը առնուեցաւ որ իմաստուն քայլ մըն է որովհետեւ,

ա- Եկեղեցի եւ Մշակութային համալիր մը մեր հայ անունին եւ զաղութին միասնութեան համար փափաքելի եւ պատուաքեր է, ինչ որ Վեհափառ Հայրապետին ալ իղծը եւ ուրախութիւնը եղաւ երբ իրեն տեղեկացուցինք ի Փարիզ:

բ- Հ.Բ.Ը.Մ. հողին կից ըլլալով նուազագոյն 350 Հազար տուար շահ ունինք, հասարակաց գործածութեան բաժիններու պատճառաւ:

գ- Հ.Բ.Ը.Մ. շէնքը որպէս աւելի գրաւիչ, երիտասարդութեան քաշողականութեան պատճառ պիտի ըլլայ, եկեղեցին այնտեղ ըլլալով առաւել թիւով երիտասարդութեան մատչելի պիտի ըլլայ:

Ապա, ատենապետը ի շարս այլ առաւելութիւններու կողքին, դիտել տուաւ որ ներկայիս ԲԱՐՔԻՆԿ-ի ահաւոր դժուարութիւն ունինք. Սքարպօրօ փոխադրուելով կարելի պիտի ըլլայ Հ.Բ.Ը.Մ. յարմարութիւնները գործածել ներառեալ ԲԱՐՔԻՆԿ-ը. յիշեցուց նաեւ տեղական թաղամասերու պատկան իշխանութիւններու ծրագիրները փոխադրական միջոցներու վերաբերեալ, շեշտելով որ այսօր իսկ գոյութիւն ունի հանրային փոխադրական միջոց, գոհացուցիչ քայց սահմանափակ կարելիութիւններով:

- Պրն. Կարօ Տէյիրմէնճեան հարց տուաւ թէ Հ.Բ.Ը.Մ. 50 Հազար տուար փոխանցուած է առանց տոկոս ստանալու:

Ատենապետը այս հարցին պատասխանեց ըսելով թէ, ինչ պիտի ըլլար պարագան եթէ Հ.Բ.Ը.Մ. վարչութիւնը տոկոս պահանջէր Ս.Նրրորդ.Եկեղեցիէն, քանի Հ.Բ.Ը.Մ. ներկայիս արդէն վճարած է ամբողջական տարածութեան գումարը ներառեալ մէկ էյքըր գոր յետ բաժնելու իր կարգին պիտի վաճառէ Ս.Նրրորդ. Եկեղեցիին: Հողաշերտի բաժանման թաղապետական օրինական ձեւակերպութիւնները կարելի է տեւէ նուազագոյն 12 ամիս: Մէկ էյքըր հողաշերտի գնման գումար կը նախատեսուի ոչ նուազ քան 250 հազար տուար, ուրեմն Ս.Նրրորդ. Եկեղեցին ալ իր կարքին պէտք է տոկոս վճարէ Հ.Բ.Ը.Մ.իութեան հողաշերտի գնման գումարին համեմատութեամբ. քայց նկատի ունենալով որ երկուստէք կը տիրէ համագործակցութեան եւ իրերահասկացողական ոգի, մեր գոյգ հաստատութիւններու վարչական կազմերուն միջեւ ալ լոնելեան հասկացողութիւն գոյութիւն ունի հարց չարժարծել, այլ համագործակցաբար զօրավիզ կանգնիլ միմիայն անհատական ծրագիրներու իրականացման նուիրական գործին:

- Պրն. Հայկ Սէլեան, հարց տուաւ թէ նման ծրագրի մը նիւթական պարտաւորութիւններուն մասին, յիշեցնելով որ եկեղեցաշինութեան ծրագրի մը զուգահեռ զաղութիս մէջ կան նաեւ այլ երկու մեծ իրագործումներ, Հայ կեդրոնը եւ Հ.Բ.Ը.Մ. որ ժողովուրդի նիւթականը սպառած պիտի ըլլայ:

Ատենապետը պատասխանեց ըսելով որ լաւատես պէտք է ըլլալ. նամանաւանդ որ եկեղեցւոյս ներկայ դրամագլուխը առանց անշարժ կալուածի արժէքին կը հասնի մօտ 445 հազար տոլարի եւ ասիկայ ըստաւորութիւն մըն է. շինութեան նման ծրագիր մը կարելի պիտի ըլլայ սկսիլ ոչ կանուխ քան յառաջիկայ երեք տարիները հետեւաբար լաւատեսութեան պատճառներ ունինք: Աւելցուց նաեւ թէ ազգային Բարերար Տիար Ալեք Մանուկեան ծխական խորհուրդիս կազմին հետ իր Օեկտ. 22-1979 ունեցած հանդիպումին մեծ հետաքրքրութիւն ցուցաբերած է, եւ իր ճարտարագէտներուն պատուիրած է պատրաստել Թորոնթօի ապագայ եկեղեցւոյ յատակագիծի ծրագիրներ:

- Պրն. Շահան Տէյիրմէնճեան հարց տուաւ որ ծխական խորհուրդը ոեւէ իրաւունք ունէր 50 հազար տոլար տալու Հ.Բ.Ը.Մ.

Իրեն պատասխանուեցաւ թէ ծխական խորհուրդը 50 հազար տոլար տուած է Հ.Բ.Ը.Մ. առ ի պահ մէկ էյքըր հողաշերտին համար, որպէս բարիկամեցողութեան նշան, իսկ եթէ այս ժողովը չի վաւերացնէ հողի գնումը, Հ.Բ.Ը.Մ.ը ետ պիտի վերադարձնէ այդ գումարը:

- Պրն. Հայկ Միսաքեան, հարց տուաւ թէ, Եթէ ԶՕՆԻՆԿ-ի արտօնութիւն չտրուի ապա ինչ պիտի ըլլայ մեր դիրքը:

Ատենապետը պատասխանեց ըսելով որ ներկայիս հողի բաժանումը աւելի հրամայական հարց է քան ԶՕՆԻՆԿ-ը, ամէնայն դէպս օրինական եւ թաղապետական կարգադրութիւններու ձախողութեան պարագային կը մնանք միայն հողատէր կամ Հ.Բ.Ը.Մ. ետ կը վերադարձնէ 50 հազար տոլարի գումարը. այդ որոշումները ապագային գումարուելիք Մասնաւոր ժողովները պիտի տնօրինեն:

Ապառած ըլլալով բոլոր հարցումները, Ատենապետը կրկին անգամ Անգլերէն եւ Հայերէն լեզուներով կարդաց ծխական խորհուրդիս առաջարկ բանաձեւը որմէ յետոյ ըստ կանոնագրի թիւ 21-րդ յօդուածի կատարուեցաւ բաց քուէարկութիւն, By Roll Call

Ատենադպիրը կարդաց ներկայ անդամներու անունները ներկաներու թիւը հասած էր 133-ի որոնցմէ 124 Դրական պատասխանեցին
5 Չեղմպահ
4 Ժխտական

Հետեւաբար համաձայն կանոնագրութեան թիւ 17- ր յօդուածին Ատենապետը որդեգրուած յայտարարեց ծխական ժողովի ներկայացուցած առաջարկը:

Ժողովս փակուեցաւ Կ.Վ. ժամը 3:20-ին

Ատենադպիր
Զարգիս Գրիգորյան
Հրաչ Շիշմանեան:

Նախագահ
Կարգէն Ժ. Վրդ. Էէշիշեան
Կարգէն Ժ. Վրդ. Էէշիշեան

Ատենապետ
Պարգեւ Խոճամեան